

von Wulf Wager

## O'beobachtete Autofahrer



Kennat Sia des: Sie standat a an dr Ampel oder fahrat auf dr linka Spur neba ma ande-ra Auto ond guckat zu dem Fahrer oder der Fahrer-in nom, die sich scheinbar o'beobachtet fühl-at.

Also, was mr do alles seha ka, des isch scho allerhand. Denkat se bloß mol an sich selbr. Was duat mr net alles, wemmr en Gedanka isch ond

sich o'beobachtet ond en Sicherheit fühl-t? I fend des total spannend ond wirklich witzig.

Telefoniera isch do no 's Harmloseschte - au wenn 's 60 Euro ond oin Punkt in Flensburg koschtet. Neulich han i oin gsäh, der hot en dr Nos poplat ond 's Letschte aus sich raus g'holt. Was 'r mit dem Popel gmacht hot, verschweig i aus Gründen der Äschtetigg. A andere Fahrer-in mit lange Hoor hot emmer uf ihre Hoorspitze romkaut.

An Handwerker ema Laschtwaga hot sich an fetta Pickel uf dr Nos ausdrückt. Aber der Oberhammer war seller Laschtwagafahrer, der sich bei 80 km/h auf dr Autobahn d' Fußnägel g'schnitta hot ond von der Polizei dorbei g'filmt worra isch.

Also liebe Leser, denkat dro, wenn 'r mit em Auto on-drwegs send, gebat auf euch acht. Net bloß, dass' andere sehe kennat; heit isch au mit em Handy schnell a Filmle dreht, ond plötzlich wird mr zom Gspött von dr YouTube-Gemeinde.

Bis näggschd Woch                      Ihr

Alle Kolumna zom Nochles-a  
ondr [www.woascht.de](http://www.woascht.de)  
odr em Facebook em  
WulfWager Fanclub

A handwritten signature in black ink, appearing to read 'Wager'. The signature is stylized and fluid, with a long, sweeping underline that extends to the right.